

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 163. Quænam sint & dicantur res mobiles pretiosæ prohibitæ
alienari, sine solennitatibus, dum sunt Ecclesiæ.

[urn:nbn:de:hbz:466:1-73957](#)

5. Resp. quinto: Possunt quoque non servatis solennitatibus liberè alienari reliæ immobilia Ecclesiæ loco pio capaci ea possidere & retinere cum clausula; ut, si velit, possit alienare si ne solennitatibus, vel in propriis usus convertere. Delb. c. 17. du. 10. num. 1. contra Quarant. v. alienatio. num. 31. & 32. Armill. v. cod. num. 19. Covat. in c. de testam. num. 6. Riccium. in pr. decisi. 67. Bonac. d. 3. de contract. q. 8. p. 4. n. 8. Si enim testator sine istiusmodi solennitatibus poterat rem suam alienare, poterit id etiam in dicto casu Ecclesiæ; quia ea tunc alienat ex potestate accepta à testatore & juxta mentem illius. Sed neque talis conditio est juri contraria, ut exinde sit turpis, & habenda pro non adjecta; cùm jus solūm prohibeat Ecclesiæ alienare rem, quæ ab solūlute & in perpetuum illius, & non illam, quæ est illius non absolutè, sed quamdiu illam voluerit retinere, qualiter quia è contra manitestè juri contraria est clausula seu conditio ea donatore vel testatore adjecta, ut res donata vel legata Ecclesiæ incapaci eam retinendi, ab ea retineatur, & non alienetur sine solennitate juris, ea censetur turpis, & habenda pro non adjecta; adeoque ea non obstante poterit adhuc alienari sine solennitate, Delb. l.c. à num. 5.

6. Resp. sexto: Bona etiam legata, donata, item pericentia ad dominium Ecclesiæ tantum directum, dum ea ex causa aliqua revertuntur ad eam quod ad dominium quoque uile, quamdiu non sunt incorporata Ecclesiæ, conventui, aut mensa capitulari, posse alienari sine solennitatibus (ut pote quæ non nisi per istam incorporationem constitui possunt in dominio Ecclesiæ in ordine ad prohibitionem ea alienandi) docet Tondut. in 44. resp. benef. p. 3. c. 87. num. 1. citans Franc. decisi. 14. num. 16. & AA. passim in c. ut supra. h.t. hanc verò incorporationem non conferit factam ex retencione illorum bonorum etiam ad annum, sed tunc demum, & non aliter, quam per declarationem, vel explicitam, quæ declarat Praelatus, te illa incorporare mensa sua aut Ecclesiæ; vel implicitam ex descriptione illorum inter alia bona ecclesiastica, tradit Luter. de re benef. l. 3. q. 25. num. 22. citans Bartol. in L. si vacanta. C. de bonis vacant. num. 8. Redoan. rub. l. c. 22. num. 29. quamvis Tond. l. c. num. 5. dubitet de bonis de novò acquisitis donatione, legato &c. an statim sint de mensa, & hinc inalienabilia. Vide me in for. benef. p. 3. q. 199. num. 5.

7. Resp. septimo: Qualiter bona concedi solita ab antiquo in emphyteusin vel feudum, deinceps concedi possint sine solennitatibus, & sic alienari, dictum est supra; qualiter verò illud solutum accipendum, vide apud me l. c. num. 8.

8. Resp. octavo: Pecunia, non tantum collecta ex redditibus juxta dicta. resp. 1. ad hanc, quæ sed & inventa in capsa & domo testatoris, utpote ad usus quotidianos destinata, & fructus non faciens inter res mobiles, quæ sine solennitate alienari possunt, est numeranda. Azor. p. 2. l. 9. q. 5. Mantic. de conject. l. 9. tit. 5. Ricc. in pr. resol. 56. Barboli. de potest. Episc. p. 3. alleg. 95. num. 49. & alii, quos citat & sequitur Delb. c. 17. du. 2. f. 3. num. 1. Verum patitur hoc ipsum plurimas limitationes notabiles, de quibus infra.

9. Resp. nono: Posse sine solennitate alienari melioramenta, quæ fecit Rector Ecclesiæ seu beneficii, ait C. de Luca. de benef. d. 86. n. 9.

Quæst. 163. Quæ dicantur & snt res mobiles pretiosæ prohibite alienari sine solennitatibus, dum sunt Ecclesiæ?

R Esp. Tales res mobiles pretiosæ, quæ servando servari possunt; adeoque quo ad prohibitionem, difficultatem, & solennitatem alienationis æquiparantur immobilibus juxta L. lex que, ff. de administ. tutor. L. sancimus C. de SS. Ecclesiæ. Abb. in c. null. b. t. num. 8. Sunt primò vala aurea argentea, calices, tapetes, casulae similiaque templorum ornamenta auro & gemmis intertexta, quæ sunt de thesauro Ecclesiæ, eique propter materiæ pretium, artem vel antiquitatem singularem conferunt splendorem. Azor. p. 2. l. 9. c. 1. q. 7. Redoan. l. c. q. 1. num. 1. & 2. Pirh. b. t. num. 11. Delb. c. 17. du. 2. f. 1. num. 8. quæ sine solennitate alienari nequeunt, etiam si relicta seu donata sine expressa conditione, ut in perpetuum serventur; cùm talis conditio ad legalem inalienabilitatem non requiratur Delb. n. 9. Item etiam si hæreditaria accepta de manu laici ex necessitate solvendi æris alieni; cùm per aditionem hæreditatis facta sint bona Ecclesiæ; adeoque ad alienationem eorum requiritur licentia Papæ Delb. num. 11. Idem dicendum in specie de obligationibus factis imaginis, dum anathema argentea vel aurea magni valoris, excedentia nimis valorem 25. scutorum aureorum; Secus si sine minoris valoris; haec enim alienari possunt liberè sine solennitate, ita Delb. c. 17. du. 2. f. 1. num. 17. in multoque magis hoc postremum dicendum de obligationibus consistentibus in rebus consumptibilibus, etiam pecunia. His tamen non obstantibus attendenda praxis & consuetudo quæ sine illa rigida exactione solennitatum indulget Prælati, ac magis Episcopis quam aliis, calicum argenteorum & alicorūque similiūm veterum, etiæ notabilis pretii ornamento rum pro novis permutationib; utpote in qua non nisi bonum & utilitas, Ecclesiæ intendi soler, adeoque non ita exposta ejusdem damnificationi. De cetero ut talia dicantur pretiosa, & hinc sine solennitate non alienabilia, debent ad minimum excedere valorem 25. scutorum aureorum. quamvis iusta dicta id relinquendum arbitrio Judicis vel viri prudentis. Delb. num. 12. Secundò bibliotheca saltem copiosa, Tambur. de jure Abb. Tom. 3. d. 13. q. 2. num. 8. in fine. Lezai. sum. qq. regular. c. 10. num. 4. citati à Wiesbn. h. t. n. 27. non tamen libri singuli destinati pro aliis melioribus & utilioribus comparandis, nisi propter antiquitatem, raritatem similem in causam Ecclesiæ vel monasterio singularem afferant utilitatem vel splendorem; tunc enim sine solennitate alienari nequeunt. Wiesbn. l. c. cum Donato. Tertiò integræ bona mobilia pretiosa, quæ alienari nequeunt numeratur grecus integer ovium vel capratum, utpote ex quo fructus annuus constanter percipitur; quæque per continuam factum multiplicationem conservatur; etiæ singula animalia seorsim liberè possint distrahi, ut & fructus gregis; quia hi servanda servari non possunt. Molin. de fust. tr. 2. d. 465. num. 4. Pirh. b. t. num. 12. Delb. c. 17. du. 2. f. 4. Redoan. l. c. q. 2. Idem de armato bouu & equorum prælepio dicit Delb. Item Pirh. de jumentis ad fundum colendum depuratis, eique longo tempore affixis, nisi appareant superflua.

pro

pro quo citat L. ult. C. quando decreto opus non est
Antb. de non alien. Reb. Eccles. §. nos igitur. coll.
z. Laym. disp. de reb. eccl. alien. thes. 5. De aliis
quibusdam, de quibus dubitari posset, an sint
mobilia pretiola, & hinc inalienabilia, an vero
spectent ad immobilia, puta, arboribus, censi-
bus, pecunia; servit, &c. dicitur commodius.
quaest. seq.

Quæst. 164. Quæ censeantur bona im-
mobilia, & hinc inalienabilia?

R Esp. Talia, si etymon nominis spectes,
sic dicta, quod loco moveri nequeant, quia
radicem fixam habent seu fundo inhaerent,
sunt primò oppida, castra, fundi, agri, vineæ,
prædia, domus similiaque spectantia ad Ecclesiæ
vel monasterium, ipsum quoque monasterium,
conventus, horruç; annexus, ita ut in iis sine solen-
nitate juris fundati nequeant censu; cum talis fun-
datio comprehendatur in prohibitione alienatio-
nis rerum Ecclesiæ. Delb. c. 17. du. 17. num. 6.
¶ 7. Quin etiam alienari nequit sine solennitate
locus in quo alias erat Ecclesia, jam tamen pro-
fanata & diruta, quia adhuc censetur locus Ec-
clesiæ, & habet in honore; imò gaudet immuni-
tate, si spes est reædificationis. Delb. l.c. n.
4. ¶ 5. Irem capella destinata ad sepulturas ven-
di nequit, ita ut emperor fiat dominus illius, pos-
sitque cuique alteri concedere usum illius. potest
tamen ab Ecclesia concedi usus illius; cum haec
non sit vera alienatio. Delb. cit. du. 17. num. 2.
citat Menoch. Quat. Riccio. Bonacini, &c. Se-
cundò talia reputantur reditus seu censu & pen-
siones ex re immobili, prædio, fundo, &c. per-
venientes, & jura ad illos; adedique subsunt pro-
hibitioni liberæ alienationis. Argum. c. 2. b. t. in 6.
juncta Gl. v. jura. & juxta expressum textum
Clem. 1. de V. S. Quarant. in sum. Bull. v. alie-
natione rer. eccl. num. 26. Barbol. de poteſt. Ep. p. 3.
alleg. 95. num. 44. Delb. c. 17. du. 2. f. 1. n. 1.
Idque propter stabilitatem & firmitatem suam,
qua jura istiusmodi sunt perpetua. Atque ita C.
de Luca de censib. d. 17. num. 2. ¶ 4. citata pro
hoc decif. Rota. 235. p. 7. recent. num. 2. ¶ 3. &
Barbos. ubi ante num. 45. ait magis communem
& receptam, ut censu pro stabiliſſimis habeantur,
& quod sub legato stabiliſſimis veniant censu, ut
Gabriel. l. 2. conf. 141. à num. 18. Gratianus
discept. for. discep. 981. num. 34. Quin etiam
census seu redditus, etiæ ex rebus mobilibus sol-
vendi. V. g. ex pecunia in societatem collata, re-
bus immobiliis annumerantur ait Pith. cit. n. 13.
citans pro hoc Molin. de just. tr. 2. d. 465. n. 3. ¶ 5.
fit etiam. Contrarium tamen de censu vitalitio
astruit Delb. c. 17. du. 2. f. 3. num. 28. nimirum,
quod non computetur inter bona immobilia, sed
inter mobilia, qualia censentur, quæ in continuo
periculo sunt, ut amittantur. ut Bald in c. contin-
git. de dolo & contumac. Corneus vol. 3. conf. 173.
& qualis est censu vitalitius, utpote fundatus in
vita hominis instabili & incerta, & sic emptio ju-
ris extinguibilis ad tempus vita venditoris. Quod
idem num. 30. confirmat exemplo censu redimi-
bilis, quia & ipse, quia non habet statum stabili-
lem, sed est temporaneus, inter bona mobilia nu-
meratur, ut Gomez. de censib. c. 3. num. 4. Garc.
de benef. p. 2. c. 5. num. 95. in fine. Molin. de pri-
meg. l. 2. c. 10. n. 3. & alii, quos citat. Quin etiam
in aliquibus Germaniæ locis, teste Gail. l. 2. obſer-
vat. 10. n. 6. receptum esse ait Pith. b. t. n. 13. ut
reditus seu census redimibiles etiam constituunt
super bona immobilia, inter bona mobilia nume-
rentur. Item id confirmat Delb. num. 29. idem
dicendo in genere de censu brevi, duraturo, quod
numeretur inter mobilia, ut Barbæt. conf. 22. n. 3.
Menoch. de arb. l. 2. centur. 3. cas. 233. n. 2. Fe-
deric. de Senis. conf. 12. num. 5. Duardus de cen-
sib. in proam. conf. Pii V. q. 10. num. 40. & alii
apud eund. Atque ex his sequi videtur, tam cen-
sum vitalitium, seu jus percipiendi reditus ad vi-
tam alterius, vel ad aliud breve tempus, aut etiam
redimibiliter pro libitu alterius, adeoque instabi-
liter habitum ab Ecclesiæ, posse ab ea alienare li-
berè. Tertiò nomine bonorum immobilia in-
alienabilium sine solennitate veniunt servitutes præ-
diorum, aliaque jura, puta, piscandi, venandi
&c. Arg. L. ult §. fin. C. de long. tempor. prescript.
ubi: eodem obſervando, etiæ res non solum sunt, sed
incorporales, quæ in jure consistunt, veluti
usufructus & cæteræ servitutes &c. cum haec
fixa maneat & instar immobilia; & tale judi-
cetur jus seu actio, qualis est res, ad quam est
jus seu actio; ita ut, si sit jus seu actio rerum im-
mobilia vel mobilium pretioliarum, sine so-
lennitate juris alienari non possit; possit autem,
si sit rerum mobilium. V. g. debitum pecunia-
rium ita Argum. c. 2. b. t. in 6. & Clem. exi-
vi de paradiſo. §. cumque anni reditus. Abb.
in c. nulli. b. t. Sa. v. alienatio. quaest. 9. Quarant.
v. eod. num. 26. ¶ 39. Valq. opus. de retitibus. c.
2. §. 2. num. 44. Suat. Tom. 4. de relig. tr. 8. l. 2. c.
26. num. 16. ¶ 17. Barbos. cit. alleg. 95. & alii,
quos citat & sequitur Delb. c. 17. du. 2. f. 1. à
num. 2. extendens hoc ipsum ad jus percipiendi
reditus seu censu per decennium; cum tempus
decennii longum & quasi perpetuum reputetur,
ut Molin. l. c. & Nald. v. annus. num. 7. ¶ 5 v.
bona. num. 10. qui tamen posterior dicat, si
dicti reditus seu jus percipiendi illos sit consti-
tutum citra decennium, non esse bona im-
mobilia, & posse sine consensu Apostolico aliena-
ri, contradicente in hoc ei Lezan. De cæterò
contrarium defendit cum aliis quibusdam. Pith.
b. t. num. 14. nimirum actiones, & in specie
nomina & instrumenta debitorum, propriæ &
per se loquendo, nec inter mobilia, nec inter
immobilia numerari, sed tertiam & distinctam
speciem bonorum constituere, citans pro hoc
l. à D. Pio. §. in venditione. ff. de sent. ¶ re judic.
(ad quod tamen respondet Delb. num. 4. id,
quod actiones & jura neque nomine mobilium,
neque immobilia comprehendantur, verum
esse in testamentis & aliis dispositionibus, ubi
verba presæ accipienda, non tamen in hac ma-
teria prohibitionis de non alienando favorabili Ec-
clesiæ, pro quo citat Azor. p. 2. l. 9. c. q. 6. Barbos.
cit. alleg. 95. num. 46.) rationem quoque adiicit
Pith. quod appellant bonorum immobilia &
mobilium veniant sola res, quæ loco continentur.
mobilia quidem, quæ suæ naturæ de loco mo-
veri possunt, immobilia, quæ à loco moveri non
possunt; qualæ non sunt actiones & jura, quippe in-
corporalia. Quod tamen leve videtur argumentum;
cum actiones & jura non dicantur immobilia tan-
tum per se seu ratione sui, sed censeantur ta-
lia per respectum, & denominationem quasi
extrin-